

KALIKATA LITTLE MAGAZINE LIBRARY-O-GABESHANA KENDRA
18/M TAMER LANE, KOLKATA-700009

Record No. : KLMLGK 2007	Place of Publication : কলকাতা লিটল ম্যাগাজিন, পত্র-১৭
Collection : KLMLGK	Publisher : ম্যাগাজিন (ম্যাগাজিন)
Title : বিবাহ (BIVAH)	Size : 5.5"/8.5"
Vol. & Number : 8/3 Award Issue 9/2 9/4	Year of Publication : Aug 1985 Oct 1985 Mar 1986 Aug 1986
	Condition : Brittle / Good ✓
Editor : ম্যাগাজিন (ম্যাগাজিন)	Remarks :

C.D. Roll No. : KLMLGK

বিদ্যাব

বিদ্যাব



দিলীপকুমার গুপ্ত স্মৃতি পুরস্কার অনুষ্ঠান
পঞ্চম বর্ষ

বিদ্যাব

সম্পাদক / সমরেন্দ্র সেনগুপ্ত



বিডাব

দিলীপকুমার গুপ্ত স্মৃতি পুরস্কার সংখ্যা

পঞ্চম বর্ষ

৭ অক্টোবর : ১৯৮৫



Ananda Bazar Group of publications

6 Prafulla Sarkar Street, Calcutta 700 001

আনন্দবাজার পত্রিকা
Business Standard
The Telegraph

শ্রী

SUNDAY
Sportsworld

সব্বিবাস
আনন্দবাজার

আনন্দবাজার

BusinessWorld

কাজের মানুষ ডি কে

সত্যজিৎ রায়

১৯৪৩-এর গোড়ার দিক। কলকাতা শহরে তখন জাপানী বোমার হিড়িক। মাস দুয়েক হ'লো শামিনিকেতন থেকে দ্বিগে চাকরির চিন্তা করছি। কলাভবনের তালিম সবেও ফাইন আর্টস-এর দিকে মন ঝেঁকেনি। ইচ্ছা আছে বিজ্ঞাপন-শিল্পী হবার, কিন্তু বিজ্ঞাপনের লাইনে কারুর সঙ্গে পরিচয় নেই। কী ভাবে এগোনো যায় সেটাই প্রশ্ন।

আমাদের বাড়ি তখন প্রায়ই আসতেন 'ক্যামিলি ফ্রেণ্ড' বৃদ্ধ ললিত মিস্ত্রি। তিনি আমার সমস্ত কথা শুনে বললেন, 'কোনো চিন্তা নাই। কীমার কোম্পানির অ্যানিস্ট্যাট ম্যানেজার হইল আমাগো দিলীপ গুপ্ত। তারে আমি খুব চিনি। তোমারে তার কাছে লইয়া যামু।'

কীমার কোম্পানির নাম শুনিনি, তবে দিলীপ গুপ্তকে না চিনলেও তাঁর ভাই এবং বোনের সঙ্গে পরিচয় অনেক দিনের। ললিতবাবুর প্ররোচনায় তাঁর সঙ্গে রামময় রোডে দিলীপ গুপ্তের বাড়িতে গিয়ে হাজির হলাম। সিঁড়ির পাশে খাঁচাবন্ধ বিশাল অ্যালসেশিয়াম; তাকে পাশ কাটিয়ে দোতলায় উঠে প্যাসেজের শেষ প্রান্তে ডান দিকের বৈঠকখানায় গিয়ে বসলাম। মিনিট থানেকের মধ্যেই চটির ভারী শব্দের সঙ্গে গুপ্তমশাই প্রবেশ করলেন। পরনে হাকশার্ট ও পায়জামা, চোখে পাগুয়ার সম্বলিত টিনটেড চশমা, ব্যক্তিত্ব-সম্পন্ন দর্শনই চেহারা। চেহারা দেখে বয়স বোঝার উপায় নেই।

আমার আবার কারণ তাঁকে জানলাম। ভদ্রলোক মিনিট দশেক নানান প্রশ্ন ক'রে আমাকে বাজিয়ে দেখার পর বললেন, 'একটা কার্নিগ প্রডাক্ট নিয়ে ছবি ও ক্যাপশন সমেত গোটা চারেক বিজ্ঞাপনের খসড়া ক'রে অমুক দিন অমুক সময়ে পাঁচ নম্বর কাউনসিল হাউস স্ট্রীটে আমাদের আপিসে চলে এসো; ক্রম মাহেবের সঙ্গে তোমার মোলাকাত করিয়ে দেব।' সেইসঙ্গে একটা সতর্ক বাণীও উচ্চারণ করলেন এই মর্মে যে চাকরি যদিও বা পাই—'গু জ্বালারি উইল ব্রেক ইণ্ডর হার্ট'।

সেই বৈঠকেই কথা প্রসঙ্গে আমার পারিবারিক পরিচয় পেয়ে দিলীপ গুপ্ত জিজ্ঞাস করলেন, 'আবোল তাবোল হযবরল-র কী অবস্থা?' জানালাম

সেগুলো এখনও ছাপা হয় এবং বিক্রি হয়, তবে প্রকাশক আমাদের সঙ্গে কোনো যোগাযোগ রাখেননি। ‘পয়সা দেয়?’ প্রশ্ন করলেন দিলীপ গুপ্ত। জানাতে হ’লো আজ পর্যন্ত ওই দুখানা এবং উপেন্দ্রকিশোরের কোনো বই থেকে কোনো অর্থাগম হয়নি। দিলীপবাবু গভীরভাবে মাথা নাড়লেন বটে, কিন্তু কোনো মন্তব্য করলেন না।

কীমার কোম্পানিতে জুনিয়র ভিজুয়ালিজারের চাকরিতে যোগ দিই এর দুমাস পরে। তখন থেকেই দিলীপ গুপ্ত গুরুত্রে ডি. কে.-র সঙ্গে সত্যিকারের পরিচয়ের সূত্রপাত। বিজ্ঞাপনের জগতে কীমারের তখন বেশ নামজাক এবং তাঁর অনেকটাই নাকি ডি. কে.-র দৌলতে। চলনে বলনে ভারতাতিক এই মুকুট অর কালের মধ্যেই পাবলিসিটির চাবিকাঠিটি অল্প ক’রে ফেলাছেন। বিজ্ঞাপনে কী কী উপায়ে থাকলে লোকের চোখ ও মন টানবে, কোন্ প্রজাঙ্কের পক্ষে কোন্ লোগান হবে সবচেয়ে লাগসই, লোগোটাইপের ধাঁচ কেমন হওয়া উচিত, ববরের কাগজের কোন্ পৃষ্ঠার কোন্ জায়গায় বিজ্ঞাপন দিলে সেটা মাঠে মারা যাবে না, এসবই তাঁর নখদর্পণে। সেইসঙ্গে মুদ্রণ-শিল্পের যাবতীয় কলাকৌশল সম্পর্কেও তিনি যথেষ্ট ওয়াকিবহাল। আর সবচেয়ে বড় কথা, এই কাজে এঁর যে অসীম উদ্দীপনা, সেটা তিনি কর্মীদের মধ্যে সঞ্চার করতে সক্ষম, যার ফলে চা-বিষুট-জিন্-সিগারেট-মোটরের টায়ার ইত্যাদির ক্যাম্পেন তাদের কাছে হ’য়ে ওঠে এক-একটি বিরট তাৎপর্যপূর্ণ কর্মকাণ্ড।

আমি কীমারে কাজে যোগ দেবার বছরখানেকের মধ্যেই ডি. কে. সিগনেট প্রেসের পত্তন করেন। উপেন্দ্রকিশোর, হুকুমার ও অবনীন্দ্রনাথের শিশু-সাহিত্য নিয়েই কাজ শুরু। প্রচ্ছদ অঙ্কন এবং প্রয়োজনে ইলাস্ট্রেশনের ভার দিলেন আমাকে। উপেন্দ্রকিশোর ও হুকুমারের বই ছাপাবার আগে কাগজে নোটশ দিলেন যে বইগুলি পুনঃপ্রকাশিত হচ্ছে। ধারা এতদিন সেগুলি প্রকাশ করছিলেন তারা এই নোটশ অগ্রাহ্য করলেন। ফলে বেশ-কিছুদিন ধ’রে এই বইগুলির দুর্বকম সংস্করণ বাজারে চালু রইলো।

বাংলা বইয়ের অঙ্গদসৌষ্ঠবে সিগনেট যে সম্পূর্ণ নতুন ধারার প্রবর্তন করেছিলো তাতে কোনো সন্দেহ নেই। এর মূলে ছিলো ডি. কে.-র গভীর জ্ঞান, অসামান্য পরিশ্রম এবং একরোখা পারবেকশনিজ্জম। সিগনেটের আগে শিশুগুরু পুলিনবিহারী সেন মহাশয় বিরাটভারতীর অনাড়ম্বর গ্রন্থসংগ্রহ সুরুচি ও

আভিজাত্যের একটা চমৎকার দৃষ্টান্ত স্থাপন করেছিলেন। ডি. কে. একটু ভিন্ন পথ ধরলেন। তাঁর মতে বইয়ের বহিরাবরণ হবে এমন যাতে দোকানের কাউন্টারে আর-পাঁচটা বই থেকে পৃথক হ’য়ে তা ক্রেতার দৃষ্টি আকর্ষণ করে। এ ছাড়া বইয়ের চিত্রি অল্পযায়ী তার আকার, আয়তন ও অভ্যন্তরীণ সাজ-সজ্জার রচনাবলিও তিনি বিখ্যাস করতেন। এই পন্থা অচিরেই সিগনেটের বইয়ে একটা বৈশিষ্ট্য আরোপ ক’রে গ্রন্থপ্রকাশনার জগতে রীতিনীতি আলাড়ান সৃষ্টি করেছিলো।

নতুন বই প্রকাশের সঙ্গে সঙ্গে তাকে পাঠকের সামনে উপস্থিত করার নামান অভিনব উপায়ও ডি. কে. উদ্ভব করেন। একাজে তাঁর বিজ্ঞাপনের অভিজ্ঞতাকে তিনি ষোলো আনা কাজে লাগিয়েছিলেন। এই উপায় যে কতটা কার্যকরী হয়েছিলো তা বোঝা যায় সিগনেট-প্রকাশিত কবিতার বইয়ের কাটতি থেকে। কাব্যগ্রন্থের ব্যাপক প্রচারের মূলে ডি. কে.-র অবদান বাংলার অনেক কবিই রুত্তঞ্জচিত্তে স্বীকার করবেন বলে আমার বিশ্বাস ;

তবে প্রতিটি বইয়ে সিগনেটের নিজস্ব ছাপ বজায় রাখার প্রবণতা মাঝে মাঝে অগ্রবিধারও সৃষ্টি করেছে। যেমন আমার ইচ্ছা ছিলো আবেল আবেল ও হযবল, আগে যেমন ছিলো ঠিক তেমন তাহেই সিগনেট প্রকাশ করুক। ডি. কে.-র তাতে বোর আপত্তি, এবং সে আপত্তির প্রকাশ এমনই জ্বরদন্ত যে কার সাধ্যি তাকে পড়াই। ফলে বই দুটির সিগনেট-সংস্করণের সঙ্গে হুকুমার-পরিবর্তিত সংস্করণের অনেক প্রভেদ।

আরেকটা ব্যাপারে মতের অমিল মাঝে মাঝে বিরোধের সৃষ্টি করতো। সেটা হ’লো বানান সংস্কার। হুকুমার রায় লিখেছেন ‘বেড়াল’, সংশোধন ক’রে করলেন ‘বোয়াল’। তাঁকে কিছুতেই বোঝাতে পারিনি যে ছ-সের মধ্যে ব্যঞ্জন্যার পার্থক্য আছে, এবং হযবল-র ক্ষেত্রে বোরালের চেয়ে বেড়াল বেশি সংগত।

ডি. কে. যে অতীতে একটু চলচিত্রপত্রিকা সম্পাদনা করতেন সে-খবর আমি জানি অনেক পরে। পত্রিকার নাম ছিলো ‘খেয়ালী’। চলচিত্র সম্পর্কে আমি আগ্রহী ছেনে ডি. কে. তাঁর নিজের উৎসাহের কথাটা বলেনি। ‘খেয়ালী’ পত্রিকা বহুকাল গত হ’লেও ডি. কে.-র উৎসাহ তখনও অগ্নান। এর পরিচয় বহন করে সিগনেট কর্তৃক প্রকাশিত বাংলায় চলচিত্র সম্বন্ধে গিরিয়াস প্রবন্ধের প্রথম সংকলন। ‘পনের পাঁচালি’র চিত্ররূপ দেবার বাসনাটা

যখন তাঁকে জানাই তখন ডি. কে. অক্লান্ত সমর্থন জানান। সত্যি বলতে কি, ডি. কে.-রূত 'পাথের পাঁচালির সংক্ষিপ্ত সংস্করণ 'আম জাঁটির ডেপু' আমাকে চিত্রনাট্যের কাঠামো নির্ধারণ করতে অনেকটা সাহায্য করেছিলো।

চিত্র পরিচালনার কাজে নামতে হ'লে আমাকে যে বিজ্ঞাপনের ধরাবাঁধা চাকরি ছাড়তে হবে সেটা ডি. কে. নিশ্চয়ই বুঝেছিলেন, কিন্তু সেইসঙ্গে হয়তো তাঁর ভরসা ছিলো যে ফিল্মের কাজের ফাঁকে ফাঁকে সিগনেটের কাজ ক'রে দিতে আমার অসুবিধা হবে না। সে ধারণা যে ভুল নয় সেটা পরে প্রমাণিত হয়েছিলো। 'পাথের পাঁচালি' ছবি মুক্তি পাবার পর কীমারের চাকরি ছেড়ে দিয়ে বেশ-কিছুদিন পর্যন্ত আমি স্বযোগ পেলেই দুপুরে এলগিন রোডের ডি. কে.-র বাড়িতে গিয়ে একতলার আসিন ঘরে বসে সিগনেটের কাজ ক'রে এসেছি।

সিগনেটের দ্রুত ভাণ্ড্য পরিবর্তনের কারণ বিশ্লেষণ করার সুযোগ বা প্রবৃত্তি কখনো হয়নি। ডি. কে.-র সঙ্গে আমার যোগস্বত্ব এমনিতেই ক্রমে ক্ষীণ হ'য়ে আসছিলো। একদিকে সিনেমার কাজের ক্রমবর্ধমান চাপ, অল্পদিকে পুনঃ-প্রকাশিত 'সন্দেশ' পত্রিকার সম্পাদনার কাজ। এরই মধ্যে বেশ-কিছুদিন পর্যন্ত বৃকতে পারতাম যে আমার ফিল্ম সম্পর্কে ডি. কে.-র উৎসাহ অব্যাহত আছে। আমার কোনো নতুন ছবি মুক্তি পাবার অল্পদিনের মধ্যেই তাঁর কাছ থেকে আসতো একটি অভিনন্দনমূলক চিঠি। সিগনেটের বইয়ের একটি পৃষ্ঠার মতোই স্ফুট ও পরিচ্ছন্ন সেই চিঠি। হত্যাদর ছাপার হরফের মতোই স্পষ্ট ও সুগঠিত, ভাবা অল্পক্ষাস হওয়া সঙ্গেও আত্মরিকতায় পূর্ণ। এই চিঠিগুলোর দিকে চাইলে আজও বৃকতে পারি যে চারিদিকের অবিচ্ছন্ন দায়দার। টিলে-চালা কাজের ভীড়ের মধ্যে ডি. কে.-র সামাজ্যতম কাজও এক বিস্ময়কর ব্যতিক্রমের পরিচয় বহন করতো।

ডি কে. এবং তরুণ কবিতা

সুনীল গঙ্গোপাধ্যায়

দিলীপকুমার গুপ্ত যখন বাংলা সাহিত্যের সবচেয়ে খ্যাতিমান প্রকাশক, শুধু খ্যাতিমান নয়, কবিবান এবং সব দিক দিয়ে আধুনিকতম, সেই সময় তাঁর সঙ্গে আমার প্রথম দেখা হয়। এই সব সার্থক মাহুয়দের সঙ্গে সাধারণত অজ্ঞাতকুলনীর ছেলেছোকরাদেবের কোনো যোগাযোগ থাকে না, দেখা হ'লেও কথা বলার সময় থাকে না। কিন্তু সেদিন সেই প্রথম পরিচয়েই তিনি আমাদের সঙ্গে চার ঘণ্টা কেন কাটিয়েছিলেন, সেটা আমার কাছে আজও একটা বিস্ময়। বস্তুত সেই দিনটিতেই আমার জীবনের একটা মোড় ঘুরে যায়। তার আগে আমি কোনো সোফা-সাজানো বাড়িতে বাইনি। তিনি আমাদের দ্বিগুণ বয়সী ছিলেন কিন্তু সখোদন করছিলেন 'আপনি' ব'লে এবং বিপের যাবতীয় বিষয় নিয়ে আলোচনা করছিলেন, ঠিক বন্ধুর মতন। এবং যেরকম আতিথেয়তা করেছিলেন, তা এখনকার দিনে আর কোথাও পাওয়া যাবে কি না, সে-সম্পর্কে আমার গভীর সন্দেহ আছে।

দিলীপকুমার গুপ্ত আমাদের উদ্বুদ্ধ করেছিলেন দ্রুত কাজে। তার আগে হাওয়ায় ভেঙ্গে বেড়াইতুম। সেই আমাদের প্রথম কাজে নামা। তাঁর প্ররোচনা বা পরিকল্পনায় আমরা প্রকাশ করি কবিতার পত্রিকা 'রুত্তিবাস'। যেমন-তেমন ভাবে কিছু রচনা ছাপিয়ে মলাটে মুড়ে বাজারে ছাড়ার নামই যে পত্রিকা সম্পাদনা বা প্রকাশ করা নয়, এ কথা তিনি বুঝিয়েছিলেন আমাদের। প্রতিটি রচনার প্রতিটি শব্দ সম্পর্কে সম্পাদকের দায়িত্ব আছে, বিশেষত লিটল ম্যাগাজিনের। এবং লিটল ম্যাগাজিন শুধু নতুন ধরণের রচনাই ছাপবে না, তার লে-আউট, পেট-আপ এবং সামগ্রিক চেহারাও নতুন হবে। মনে আছে, রুত্তিবাসের প্রথম সংখ্যার মলাটটি আমরা ছ'বার ছাপিয়েছিলাম, তাঁর আপত্তিতে। প্রথমবারের চেয়ে দ্বিতীয়বার ছাপার খরচ পড়েছিলো অনেক কম। কী ক'রে কম খরচে বেশি ছাপা যায়, তিনি আমাদের এই শিক্ষা দিতে চেয়েছিলেন।

দ্বিতীয় কাজ, আমাদের সম্মুখে রেখে একটা নাটকের দল গড়া। এরকম একটি পরিকল্পনা তাঁর নিজেই ছিলো আগে থেকে, আমাদের পেয়ে তিনি মোত

উঠলেন একেবারে। মোটাসোটা চেহারার দীর্ঘকাষ মাছটি ছিলেন আসলে লাজু ধরনের, বেশী লোকজনের সামনে তিনি মন খুলতে পারতেন না, কিন্তু এই ঘরোয়া নাট্যদলে তাঁর উৎসাহ ছিলো বিষয়কর। তিনি নাট্যকার নন, পরিচালক নন, অভিনেতা নন, অথচ নাটক দলটির তিনিই প্রাণ পুষুষ। আমাদের নাট্যদল 'হরবোলা' বাংলা নাট্য আন্দোলনে হরতো কোনো ছাপই রেখে যেতে পারেনি, কিন্তু তেমন ভাবে নাটকের মহড়া প্রযোজনার কথা আজ কেউ স্বপ্নেও ভাবতে পারবে না। কারণ এরকম একটি বিশাল করুণাপ্রবণ মাছ, টাকাপয়সা সম্পর্কে সম্পূর্ণ বে-হিসেবী, শিল থেকে আনন্দ পাওয়াই ষাঁর প্রধান আকর্ষণ, তেমন মাছই আমি আর একজনও দেখিনি।

নাটক-অভিনয় উপলক্ষে তাঁর এলগিন রোডের বাড়িতে চার-পাঁচ বছর নিয়মিত বাতায়ত আমার জীবনের স্বর্ণযুগ। আমাদের মোশানমাস্টার ছিলেন কমলকুমার মজুমদার, সংগীতশিক্ষক ছিলেন কবি জ্যোতিব্রত মৈত্র অর্থাৎ বটুকদা এবং ফৈয়াজ ষাঁর শিষ্য সন্তোষ রায়। নাটকের মহড়ার চেয়েও আমাদের কাছে প্রধান আকর্ষণীয় ছিলো এইসব ব্যক্তিদের আলাপচারি শোনা। কমলকুমারকে মনে হ'তো রামকৃষ্ণ-কেশব সেনের সমসাময়িক, যদিও হাতে প্রহু-এর মূল ফরাঙ্গী উপস্থান, তাঁর গল্পের ভাঁড়ার অহরহ। বটুকদা রবীন্দ্রপর্বর্তী সাহিত্যযুগের সঙ্গে প্রত্যক্ষভাবে জড়িত এবং আই. পি. টি.-এর সঙ্গে ঘনিষ্ঠভাবে যুক্ত, হাসতে-হাসতে নানারকম চুটকিলা ছাড়ার অপূর্ব দক্ষতা ছিলো তাঁর। আবার সন্তোষ রায় শোনাতেন বিখ্যাত সব গল্পও বাইব্লীরের কাহিনী। আমাদের আড্ডা কবে যে কোন দিকে যাবে তার কোনো টিক ছিল না। তখনো সত্যজিৎ রায় পথের পাঁচালি তোলেন নি, তাঁকে জানতুম সিগনেট প্রেসের বইগুলির প্রচ্ছদশিল্পী হিসেবে, তাঁকে দু-একবার দেখেছি। হঠাৎ-হঠাৎ এসে পড়তেন সৈয়দ মুক্তাবা আলী কিংবা সূভাষ মুখোপাধ্যায়। নরেশ গুহ অল্প একটি ঘরে কাজ করতেন।

আড্ডাপারী হিসেবে দিলীপকুমার অর্থাৎ ডি. কে.-র ভূমিকাটি ছিলো বিচিত্র। এরকম উৎসাহী শ্রোতা দেখা যায় না। অতবড় চেহারার পুরুষ্টির মুখখানা শিশুর মতন, এবং ঘন-ঘন ঘাড় নাড়া ছিলো তাঁর মূর্ত্যদেয়। কেউ কোনো বুদ্ধিমানের মতন কথা বললে তিনি হাসি মুখে, ঘন-ঘন ঘাড় নেড়ে নিশ্চয় তারিফ করতেন। বাকে বলে স্মৃ টক, অর্থাৎ নিছক কথার জন্ম কথা বলা তিনি একদম পছন্দ করতেন না। এবং কমলদা কিংবা বটুকদা কোনো হাস্যরসোল-তোলা গল্প বলার পর ডি. কে. একটুপক্ষ চুপ করে থেকে বলতেন, এটা শুনেছেন? তারপরই



তিনি ঠিক একটি পরিপূরক গল্প বলতেন। প্রত্যেক গল্পেরই একটি পরিপূরক গল্প তাঁর জানা। এব প্রকৃত রসিকের লক্ষণ এই, তাঁরা ঠিক সময় ঠিক গল্পটি বলতে জানেন!

বাজালী প্রকাশকরা সম্প্রদায় হিসেবে যুব একটা শিক্ষিত, এমন প্রমাণ মেই। কিন্তু বাংলা সাহিত্য এবং ইংরেপীয় সাহিত্য সম্পর্কে তাঁর একই রকম প্রবল আগ্রহ ছিলো। আমরা মেই সময়ে উপেন্দ্রকিশোর ঝায়চৌধুরীর 'টুনটুনির বই'-এর শুধু নামই শুনেছি, চোখে দেখার কোনো উপায় ছিলো না, একদিন তিনি আমাদের প্রায় পুরো বইটির কাহিনীগুণি শুনিয়ে আমাদের বিশ্বিত করেছিলেন। আর একদিন কথাপ্রসঙ্গে ফ্রান্স্ কাফ্ কা-ব-'মেটা মরকসিস' গল্পটির প্রসঙ্গ ওঠে, তিনি সমগ্র গল্পটিই পুঙ্খানুপুঙ্খ ভাবে বলতে শুরু করলেন। আমরা তখন সচু কলেজের ছাত্র, তখনও কলেজের ছাত্রদের মধ্যে কাফ্ কা কিংবা রিল্কে পড়া ফাশান হিসেবে চালু হয়নি, ডি. কে.-র কাছেই আমি অতত কাফ্ কা-র নাম প্রথম শুনি। তারপর তিনি আমাকে কাফ্ কা-র একটি বই পড়ার জন্ম দার দিয়েছিলেন। তখন আমি জানতুম না যে ছাত্র বয়সে ডি. কে.-র গৃহশিক্ষক ছিলেন বুদ্ধদেব বসু।

বাংলা মূদ্রণ ও প্রকাশনার জগতে ডি. কে. যে আমূল পরিবর্তন এনেছিলেন, সে-কথা স্মৃবিদিত। এ-সম্পর্কে বিস্তারিত তথ্য দিতে পারবেন বিশেষজ্ঞরা। নানান কথার কঁকে-কঁকে আমরাও তাঁর কাছ থেকে কিছু-কিছু শিখেছিলাম, একটা কথা এখনো মনে আছে: লেক্শ্ব এ্যাও রীভারস্। যে-কোনো একটি ছাপা বইয়ের পৃষ্ঠা দেখিয়ে তিনি বলেছিলেন, দেখেছো, ভেতরে-ভেতরে কত লেক্শ্ব এ্যাও রীভারস্ রয়ে গেছে। অর্থাৎ হ্রদ ও নদী। ছাপা শব্দের মাঝখানে কঁক সম্পর্কে অনেকই সচেতন নন। লাইন আটকাবার জন্ম যেখানে সেখানে যেমন খুশি স্পেস্-বাবহার হয়, তার ফলে যে-সব বিসদৃশ কঁক থেকে যায়, তা দেখে সত্যিই যেন মনে হয় ছাপা পৃষ্ঠার মাঝে-মাঝে হ্রদ জমেছে কিংবা নদী ব'য়ে চলেছে। তারপর থেকে প্রায়ের পাতায় এই লেক্শ্ব এ্যাও রীভারস্ খোঁজা আমার বাতিক হ'য়ে দাঁড়িয়েছিলো। যে-সব ছোটো-খাটো পেস থেকে আমরা কবিতার 'রুক্মিণী' ছেপেছি, সেখানে এই লেক্শ্ব এ্যাও রীভারস্-এর কথা শুনে মালিকরা একেবারে হাঁ।

বাংলা কবিতার জগৎ ডি কে.-র কাছে চিরঞ্জী। রবীন্দ্রনাথ নিজের বই ছাপার জন্ম শেষ পর্যন্ত বিশ্বভারতী খুলেছিলেন। রবীন্দ্রপর্বর্তী কবিরা

প্রকাশকদের কাছে ছিলেন অপাণ্ডজ্জয়। আধুনিক কবিতা পাঠকদের কাছে ছিলো অবজার বাস্তব। ডি. কে. একই সঙ্গে পাঠকদের সচেতন করলেন, এবং কবিদের দিলেন যোগ্য সম্মান। শুনেছি ডি. কে. যখন জীবনানন্দ দাশের কাছে 'বনলতা সেন' ছাপবার প্রস্তাব দেন, তিনি খুবই অবাক হয়েছিলেন। একটা পুরোনো বই ছাপাবার জ্ঞাত অবশ্য একটা প্রকাশনাগলের আগ্রহ? আমাদের নাটুকে দল 'হরবোলা' চলার সমসাময়িক কালেই 'বনলতা সেন' ছাপা হয়। জীবনানন্দ দাশকে কয়েকবার আসতে দেখেছি, একটিও কথা হয়নি, আমরা তো তখন শেখিনি অভিনেতা মাত্র! ঠিক একই সময়ে, যখন ডি. কে. জীবনানন্দ দাশের কাব্যগ্রন্থ ছাপছেন, তিনি নীরেন্দ্রনাথ চক্রবর্তী ও নরেশ গুহ নামে দু-জন তরুণ কবির প্রথম কাব্যগ্রন্থও প্রকাশ করেছিলেন, ঠিক একই রকম গুরুত্ব দিয়ে। হায়, এরকম প্রকাশক আজ আর কোথায়! অবশ্য এমন হতাশ করার কোনো মানে নেই, দিলীপকুমার গুপ্ত সব দিক থেকেই ছিলেন এক মূর্তিমান ব্যতিক্রম। এমনই তাঁর ব্যবসাবুদ্ধি যে তিনি বাবার রচিত 'দৃষ্টিপাত' অমনোনীত করেছেন, কারণ ওতে লেখক মৃত, এই মিথ্যা পরিচয় দেওয়া হয়েছিলো (সে-বই বিক্রি হয়েছিলো তিরিশ প না পঞ্চাশ সংস্করণ!), আবার কবিতার বই ছাপছেন মহোৎসাহে।

একটি কবিতাসংকলন এবং একটি কবিসম্মেলনের জ্ঞাতও তিনি স্মরণীয় হয়ে থাকবেন। অনেক কাব্যসংকলনই তো বেরায়, কিন্তু ডি. কে. প্রকাশ করেছিলেন মাত্র একটি, আবু সয়ীদ আইয়ুব সম্পাদিত 'পঁচিশ বছরের প্রেমের কবিতা'। যখন বইটি বেরায়, তখন পাঠকমহলে যে উত্তেজনার সঞ্চার হয়েছিলো, পরে আর কোনো কাব্যগ্রন্থের ব্যাপারে সে-রকম কাণ্ড আজ অবধি দেখা যায়নি। প্রতিটি বইয়ের সঙ্গে ক্রেতাকে দেওয়া হয়েছিলো একটি স্বপঙ্কী লালা গোলাপ। মনে আছে বন্ধিম চ্যাট্টো স্ট্রীটের সিগনেট প্রেস দোকান থেকে ঐ রকম একটি গোলাপ পেয়ে শিবরাম চক্রবর্তী বলেছিলেন কী মুগ্ধিত বলা তো, এমন গোলাপটি উপহার দেবার জ্ঞাত আমি তেমন স্মন্দরী মেয়ে খঁজে পাই কোথায়?

বাংলা দেশে এ-পর্বন্ত যত কবিসম্মেলন হয়েছে, তার মধ্যে ডি. কে.-র উজোগে অহুষ্ঠিত কবিসম্মেলনটিই এখানে যে বৃহত্তম তা নিঃসন্দেহে বলা যায়। ডি. কে.-র সমস্ত পরিকল্পনাই ছিলো বিরাট। আমাদের 'লক্ষ্যের শক্তিশেল' পালার জ্ঞাত ডি. কে. ভেবেছিলেন যে রাবণের কুড়িটি হাত এবং দশটি মাথা

হবে ফোন্ডিং কিংবা কোলাপ-সিবল, তিনি অর্ডার দিয়ে বানাবেন। রাবণ-বেশী তাঁর শ্যালক, আমাদের বন্ধু বুড়ু চা তাতে রাজি হয়নি বলে সেটা শেষ পর্যন্ত ভেঙে যায়। সেই রকম, কবিসম্মেলনের জ্ঞাতও তিনি নির্বাচন করেছিলেন কলকাতার বৃহত্তম হলটি, বিধবিত্তালয়ের সিনেট হল, যাতে অন্তত পাঁচ হাজার লোক ধরে। কবিসম্মেলনে অত লোক আসার চিন্তাই উড়ট, অথচ শেষ পর্যন্ত হল উপচে পাইয়ের ট্রামরাশা পর্যন্ত ভিড় জ'মে গিয়েছিলো। দু-দিন ধরে হয় সেই কবিসম্মেলন, এবং সবচেয়ে মজার কথা, মূল অহুষ্ঠানের কয়েকদিন আগে হয়ে গিয়েছিলো একটি রিহাঙ্গালী। কবিতা-পাঠও একটা আলোড়ন শিল্প এবং লোক ভেঁকে এনে যেমন-তেমন ভাবে কবিতা শুনিতে দেওয়া অচ্যায়, এই ছিলো ডি. কে.-র অভিমত। এসব কথা কেউ আগে শোনেনি। মনে আছে, সেই কবিসম্মেলনে জীবনানন্দ দাশ পড়েছিলেন পর পর আটটি কবিতা, কারককে অল্পরোদ করার স্বযোগ পর্যন্ত দেননি, সম্ভবত কান বন্ধ করে তিনি ঝেঁদের বেগে কবিতাগুলি প'ড়ে হঠাৎ থেমে গেলেন। তারপর শ্রোতাদের শত অল্পরোদেও আর কর্ণপাত না করে হঠাৎ প্রস্থান। সেই কবিসম্মেলনে কনিষ্ঠতম কবি হিসেবে আমিও স্থান পেয়েছিলাম বলে আজও আমার গর্ব বোধ হয়।

ডি. কে.-র সেই উজোগের পর থেকেই এ-দেশের মানা প্রাপ্ত কবিসম্মেলনের ধুম প'ড়ে যায়!

ডি. কে. এবং কমলকুমারের মিলিত অধ্যায়টি আমার জীবনে দারুণ প্রভাব বিস্তার করে আছে। অনেক ঘটনাই মনে পড়ে, সব লেখার স্বযোগ এখানে নেই। ডি. কে. প্রসঙ্গে ছুটি ঘটনার উল্লেখ শুধু এখানে করতে চাই।

আমার বিবাহের সময় আমি ডি. কে.-কে নিমন্ত্রণ করেছিলাম, তিনি আসেননি। সামাজিক অহুষ্ঠানে তিনি যেতেন করাচিং। বাড়ি এবং অফিস ছাড়া অত্র ঠাণ্ডো জায়গায় তাঁকে প্রায় দেখাই যেতো না। মাঝে-মাঝে বাচ্চাদের নিয়ে গাড়িতে বেড়াতে বেরুতেন। কিংবা অনেক রাত্রে, তিনি নিজে গাড়ি চালিয়ে কলকাতার দূর-দূর প্রান্তে আমাদের পৌঁছে দেওয়া খুব পছন্দ করতেন সে-সময়। সবচেয়ে প্রিয় ছিলো তাঁর বাড়িতে ব'লে কাজ এবং আড্ডা এবং পড়াশুনা। নিমন্ত্রণ-বাড়িতে ভিড়ের মধ্যে তাঁকে সত্যিই যেন মানাতো না।

আমার বিবাহ অহুষ্ঠানে তিনি আসেননি কিন্তু লোক মাফাৎ উপহার পাঠিয়েছিলেন। বিয়ের সময় কার কাছ থেকে কী উপহার পাওয়া গেলো

তা কি কেউ পরে মনে রাখে? কিন্তু ডি. কে.-র উপহার আমি আজও মনে রেখেছি। তিনি পাঠিয়েছিলেন একটি প্রায় এক কেজি ওজনের মাছ, সেটি শ্মীরের তৈরি, একটি কড়ি বসানো লাল লক্ষীর কাঁপি, তার মধ্যে একটি রুপোর টাকা এবং একটি সোনালি মলাটের দই, তার নাম 'বাংলার ব্রতকথা'। উপহার পাঠাবার সঙ্গে তাঁর যে অনেকখানি চিন্তা যুক্ত হয়েছিলো, সেটাই স্মৃতি হ'য়ে আছে।

আর একটি ঘটনা। সত্যজিৎ রায় তখন বিশ্বখ্যাত হয়েছেন। তাঁর প্রত্যেকটি ফিল্ম আমাদের কাছে নতুন অভিজ্ঞতা। ডি. কে. সত্যজিৎের প্রশংসায় পক্ষমুগ্ধ। তাঁর নিদ্রা এবং প্রশংসা দুটোই ছিলো অত্যন্ত চড়া রঙের। যা পছন্দ করতেন না, তা একেবারে নাক কঁচকে উড়িয়ে দিতেন, আর ভালো লাগার জিনিসের প্রশংসা করতেন বুকের দরজা হাট করে। সেই সময় শোন গিয়েছিলো সত্যজিৎ রায় রবীন্দ্রনাথের 'ঘরে বাইরে' ফিল্ম করবেন। আরও শোন গিয়েছিলো, সত্য মিথো যাই হোক, তিনি স্বচিত্রা সেনকে নেবেন বিমলার ভূমিকায়। একদিন কথা প্রসঙ্গে ডি. কে. হঠাৎ বলেছিলেন, মানিক যদি স্বচিত্রা সেনকে নেয়, তা হ'লে আমি আত্মহত্যা করবো। তুমি ভেবে জাখো একবার, বিমলার মুখ, তার তাকানো, সেই জায়গায় স্বচিত্রা সেন? আমি সত্যিই আত্মহত্যা করবো।

ডি. কে.-র অত্থানি তীব্র প্রতিক্রিয়ার মর্ম আমি সেদিন বুঝতে পারিনি। উনি কি মনে মনে উপহাসের ঐ নারিকারির প্রেমিক ছিলেন? যে ফিল্ম তখনো তৈরি হয়নি, সেই ফিল্মের একটি সম্ভাব্য চরিত্র সম্পর্কে মাহুয় অত্থানি মর্মান্বিত হ'তে পারে কি ভাবে? একেবারে আত্মহত্যার কথা? শেষ জোর দিয়ে বলেছিলেন ডি. কে. নিচুক কবার কথা নয়, অনেকটা হাস্যক্যাসের মতন, আমার আজও কানে বাজে।

অমৃতপুপ : রক্তে ঘামে বিশাট বছর অনিল আচার্য

অমৃতপুপ প্রথম থেকেই সাহিত্য ও সংস্কৃতি বিষয়ক ত্রৈমাসিক পত্রিকা। প্রথম প্রকাশিত হয়েছিল বাংলা ১৩৭৩ সালের মাঘ মাসে অর্থাৎ ইংরাজী ১৯৬২ সালের ডিসেম্বর মাসে। সময়ের হিসেবে আমরা এক শতকের এক-পঞ্চম অংশ অতিক্রম করেছি গত বছরেই। কিন্তু দিল্লীর মহাক্ষেত্রখানার সম্মতি মেলে ১৯৬৬ সাল থেকে। অমৃতপুপের আদমুরুমারী সেই হিসেবেই।

অমৃতপুপের প্রথম সম্পাদকমণ্ডলী ছিল ছ'জনের, এবং সম্পাদক ছিলেন একজন। সেদিনের ছ'জন এখনো অস্তিত্ব ও বর্তমান। তাদের একজন সহযোগী সম্পাদক রঞ্জিত সাহা এবং অজ্ঞান বর্তমান প্রতিবেদক। এটুকু নেহাৎ সূচনাপর্বের কথা যখন সম্পাদকের বয়স ঠাট্টা থেকে বৃদ্ধি। ফলত তরুণ কলমচিদের প্রাধান্য এবং বিপুল উৎসাহ। প্রথমদিকে বিশেষ সংখ্যা বিশেষ বিশেষ ব্যক্তিদের উপস্থিতি নির্দেশ করে পত্রিকাটি তখন বঙ্গাঙ্গী ও নিরুপদ্রব। তথাপি প্রায়শ লক্ষ্মণীয় এবং এই পর্বে রৌপ্যরেখা বিশেষ গর্ভ সংখ্যা। প্রকাশকাল ১৯৬৮।

প্রতিশ্রুতির স্বীকরণে নবীন বয়সবান করে তুলল তরাই-এর তৃর্থিনিধার। অগমুদ্র হিমাচলে স্পন্দিত হল মুক্তির আকাঙ্ক্ষা। পত্রিকা নতুন মাত্রা পেলে ১৯৬৯ সালের পর। সমাজ ও মাহুয় রাজনৈতিক আন্দোলনের পরিপ্রেক্ষিতে নতুন নতুন প্রশ্ন নিয়ে উঠে এল অমৃতপুপের পাতায়। অমৃতপুপ তখনই সামাজিক ও রাজনৈতিক আন্দোলনে ওতপ্রোত সম্পৃক্ত। সমাজবলের কাঙ্ক্ষিত আধানে প্রাণিত। উঠতে লাগল তীক্ষ্ণ সব প্রশ্ন। মহাধি, দেবধিরা কাব্যযুক্ত মাহুয় বলে প্রমাণিত হতে লাগলেন, তথাকথিত রেনেসাঁসের স্বরূপ নিয়েও প্রশ্ন উঠল। প্রাতিষ্ঠানিকতা, কুসংস্কার, মহাপুরুষবাদ, সামাজিক ও অর্থনৈতিক শোষণ হ'ল আলোচিত ও বিবৃত। 'পুস্তক সমালোচকের মন্তব্যবিজ্ঞ', 'যাহা সাংবাদিকতা তাহাই সাহিত্য' পাশাপাশি মহাপুরুষদের মূল্যায়ন। সম্পাদকমণ্ডলীতে অসামান্য

ভাবে হলেও হাল ধরতে এগিয়ে এলেন দীপেন্দু চক্রবর্তী। আরো ছিলেন পুলক চন্দ, কলাগু মাইতি প্রমুখ বন্ধুরা। বিভিন্ন আলোচনায় থাকতেন স্বর্ণ মিত্র বা বর্তমান উৎপলেন্দু চক্রবর্তী। প্রবন্ধে ও গল্পে স্বর্ণকমল ভট্টাচার্যের ভাগিনেয়দ্বয় তখন অল্পইপে বিশেষ সক্রিয়। তবে অন্যদের তুলনায় অনেক বেশী দায় বহন করেছেন দীপেন্দু চক্রবর্তী। অল্পইপকে দৃষ্টিগ্রাহ্য করার ক্ষেত্রে তাঁর অবদানই প্রধান, একথা অস্বীকার করা ক্যাংরা পক্ষেই সম্ভব নয়।

এই সময়ের সব চাইতে গুরুত্বপূর্ণ সংখ্যা 'শিক্ষাবিষয়ক ক্রোড়পত্র সমন্বিত বিশেষ সংখ্যা'। শিক্ষাব্যবস্থা নিয়ে এ-সংখ্যায় বেশ কিছু ভালো লেখা প্রকাশিত হয়। 'বুটিশ-ভারতের শিক্ষা বড়ম্বর', 'কাকে বলব প্রগতিবাদী শিক্ষক', বিভিন্ন শিক্ষা-ব্যবস্থার তুলনামূলক আলোচনা। সংখ্যাটিতে শিক্ষাব্যবস্থার বন্ধাদশার কারণ-গুণো বিশ্লেষণ করার চেষ্টা হয়েছিল। অল্পইপের বিশিষ্ট ভূমিকার উল্লেখ করে Frontier পত্রিকায় একটি প্রবন্ধ লেখেন হিচেন বোথ।

অল্পইপ সম্পাদকমণ্ডলীতে এরপর কিছু অবদান ঘটে। পুনর্গঠিত সম্পাদক-মণ্ডলীতে যোগ দেন অম্বো মিত্র ও স্বজন সেন। গল্প ও কবিতার পাশাপাশি রাজনৈতিক মতাদর্শকে অবলম্বন করে এ-সময় বহু প্রবন্ধ ছাপা হয়। ভারতের কম্যুনিষ্ট পার্টির ইতিহাস ও ভূমিকা নিয়ে ধারাবাহিক প্রবন্ধের পরিকল্পনা হয় এই সময়। সত্তরের প্রথম ভাগে অল্পইপ দুটি খণ্ডে বিশেষ স্থানিন সংখ্যা প্রকাশ করে। প্রথম খণ্ডে ছিল স্থানিনের জীবন, রাজনীতি ও অর্থনীতি নিয়ে প্রায় ১২টি প্রবন্ধ। এই খণ্ডে বিশেষ প্রবন্ধ লেখেন তৎকালীন শ্রীলঙ্কার কম্যুনিষ্ট পার্টির সম্পাদক সম্মুখপান। দ্বিতীয় খণ্ডে স্থানিনের সংস্কৃতি চিত্রা নিয়ে প্রবন্ধ লেখেন প্রবীণ বাডুয়া ছত্রনামে হোমদ্বি বিশ্বাস। এই সংখ্যা দুটি প্রকাশের সঙ্গে সঙ্গে আলোড়ন সৃষ্টি করে। আমাদের দপ্তরে দ্বিতীয় খণ্ডটি নেই।

এর কিছুদিনের মধ্যেই থেমে আসে অল্পসান পর্ব। অল্পইপের বইপত্র প্রেস এবং গ্রন্থকের হেফাজত থেকে বাজেয়াপ্ত হয়ে যায়। ফলে অনেক পুরানো সংখ্যা আমাদের ফাইলে নেই। বন্ধ হয়ে যায় অল্পইপ। 'অল্পসানপর্ব' বা জরদী অবস্থা ঘুচে যাবার পর অল্পইপ আবার প্রকাশিত হতে শুরু করে।

পত্রিকাটির বর্তমান পর্বের স্থানাঙ্ক জরদী অবস্থার পর থেকেই। গুরুত্বপূর্ণ বিষয়গুলিকে চিহ্নিত করা, সে সমস্ত বিষয়ে যোগ্য ব্যক্তিদের দিয়ে লেখানো এবং গণতান্ত্রিক সংস্কৃতির প্রেক্ষাপটে সমাজবদলের জন্য কাজ করে যাওয়ার কথা ভেবে নেওয়া হয়। চতুর্দিকে বিশৃঙ্খলা ও হতাশার মধ্যে নিজেদের পুনর্গঠিত করার

দায়িত্ব নিতে হয়। এই সময় পশ্চিমবঙ্গে যেন শূণ্যের শান্তি বিরাজ করছিল। সাহিত্যের ক্ষেত্রে উদবিংশ শতক থেকে বর্তমান সময়ের বিভিন্ন সাহিত্যধারা এবং সাহিত্যিক নিয়ে যেন প্রবন্ধ প্রকাশিত হয়েছে, তেমনি অর্থনৈতিক ও রাজনৈতিক সমস্যাটির গুরুত্ব পেয়েছে। বর্তমান পর্যায়ে অল্পইপে এক নতুন মাত্রা যোগ হয়। প্রতিটি প্রবন্ধ তথ্য এবং বিশ্লেষণের সমন্বয়ে নতুন তাৎপর্য আসে এবং নতুন বহু কবি ও লেখক অল্পইপে লেখা শুরু করেন। এই পর্যায়ে উল্লেখযোগ্য ভূমিকা নেন শঙ্কর সেনগুপ্ত, জয়ন্ত চৌধুরী, উদয় ভাড়াড়ি, অসিত চক্রবর্তী, মিলন দত্ত প্রমুখ। ১৯৩০ এবং '৩১-তে দুটি বিশেষ সত্তরদশক সংখ্যা প্রকাশিত হয়। দুটি খণ্ডের পৃষ্ঠাসংখ্যা প্রায় সাতশ এবং প্রায় বাইশটি প্রবন্ধ। সত্তরদশকের সাহিত্য, সংস্কৃতি, রাজনীতি ও অর্থনীতি কিছুই বাদ ছিল না। যদিও দু'খণ্ডে এ মূল্যায়ন খণ্ডচিত্রই বহন করে। তবুও কাজটি সমদাময়িক দলিল হিসাবে স্বীকৃতি পায়।

প্রবন্ধের ক্ষেত্রে অল্পইপ বিশিষ্ট ভূমিকা পালন করলেও স্বজনশীল সাহিত্যে আমাদের ভূমিকাও উল্লেখ্য। মহাশ্বেতা দেবী, স্বর্ণ মিত্র বা উৎপলেন্দু চক্রবর্তী ছিলেন আমাদের নিয়মিত গল্পকার, এছাড়া শংকর সেনগুপ্ত, অসিত চক্রবর্তী, স্বপ্নময় চক্রবর্তী, জয়ন্ত শ্রোয়ারদার, মোহিত রায় এবং আরো অনেকেই অল্পইপের নিয়মিত লেখক। এ-পর্যায়ে মহাশ্বেতা দেবী আমাদের সঙ্গে বিশেষ সহযোগিতা করেছেন। কবিতার ক্ষেত্রে উল্লেখযোগ্য নাম বীরেন্দ্র চট্টোপাধ্যায়, মণিভূষণ ভট্টাচার্য, সব্যসাচী দেব, সমীর রায়, স্বজন সেন, রঞ্জিত গুপ্ত প্রমুখিত। এঁরা প্রত্যেকেই অল্পইপে নিয়মিত কবিতা লিখেছেন।

অল্পইপ এভাবেই প্রথমেবিশ সামাজিক আন্দোলনের অঙ্গীকার হবার চেষ্টা করে এসেছে এবং সচেতনভাবে সাহিত্যের ও সংস্কৃতির প্রগতিবাদী ও প্রতীবাদী ধারায় নিজেকে যুক্ত রেখেছে। আমরা গণতান্ত্রিক সংস্কৃতিতে অকৃত্ত বিশ্বাস রেখে কাজ করেছি এবং এজন্য সচেতন আমাদের পেন কমপ্রোমাইস বা চরিত্রবিরোধী কাজ করতে হয়নি।

আমরা শুধাকথিত কোন 'লিটেল মার্গ' ইত্যাদি কমসেট-এ বিশ্বাস করি না। সামাজিক উদ্দেশ্য ছাড়া কোন পত্রিকা আজ বিংশ শতকের শেষে প্রকাশ করা যায়, এ-জবানা আমাদের চিন্তাতীত। অথবা বলা যায় কোন সময়েই উদ্দেশ্য বিহীন কিছু হয় না। ব্যক্তির উচ্চাকাঙ্ক্ষা প্রতিফলনের জন্য ছাপায়া কাগজ— অপচয় আমাদের অদ্বয় মনে হয়।

অল্পপ বর্তমানে এবং ভবিষ্যতেও এই প্রতিবাদীধারার অংশ হিসাবে কাজ করতে চায়। যদি বিচ্যুতি ঘটে, তার জন্য আত্মসমালোচনা করতে আমরা পরায়ুধ নই।

আমরা আশা করব গণতান্ত্রিক এবং প্রতিবাদী ধারার স্রোত আরো তীব্র হবে এবং প্রান্তিকানিক সাহিত্যের দামত্ব ছেড়ে সচেতন লেখক-পাঠক বেরিয়ে আসবেন। রাজনৈতিক ও সাংস্কৃতিক আন্দোলনের সাফল্য এবং শোষণহীন সমাজতান্ত্রিক সমাজই আমাদের সেই অভীষ্টে পৌঁছে দিতে পারে।

পশ্চিমবঙ্গ ক্ষুদ্রশিল্প নিগম লিঃ

৬ঃ রাজা সুবোধ মল্লিক ক্লোরার, কলিকাতা-১৩

ক্ষুদ্রশিল্পে রেকর্ডকৃত উৎপাদনকারী সংস্থাসমূহ অতি সহজেই পশ্চিমবঙ্গ ক্ষুদ্রশিল্প নিগমের মাধ্যমে নিজ কারখানায় উৎপাদিত দ্রব্যাদি ছাষামূল্যে বিক্রয়ের সুযোগ গ্রহণ করতে পারেন। বিশেষতঃ কাঠ ও লৌহজাত আসবাবপত্র, ইনভারটার, ক্যান, প্রান্তিক ও এলুমিনিয়াম ইউটেনসিলস্, টিউবওয়্যেল, হাওপাম্প, ম্যানহোলকভার, ফিসিংকস, জি, আই, বাকেট প্রভৃতির প্রস্তুতকারী ইউনিট সমূহকে অবিলম্বে নিয়ম ঠিকানায় যোগাযোগের লক্ষ আহ্বান জানানো হচ্ছে।


মার্কেটিং ম্যানেজার

পশ্চিমবঙ্গ ক্ষুদ্রশিল্প নিগম

শিল্পভবন, ২ ও ৩ নং ব্ল্যাকবার্গ লেন

(তৃতীয়তল) টেবিটিবাজার, কলিকাতা-১২

'মনে করো, জুতো হাঁটছে
পা রয়েছে স্থির.....



সে বড়ো সুখের সময় নয়'



লেখক বলেন, আমবাও বলি।
কারণ, জুতোর সঙ্গে পায়ের
কোনরকম ঝগড়াই আমবা হতে
দিতে পারিনা। সেজন্যই আমাদের
মনোমত, কুচিমাফিক, হালখ্যশানের
জুতোর জন্য সর্বদা বাটায় আসুন।

Bata